

ዕብራውያን ኤድንከሰካንታ ኦይትምሳን ክታ ኦርድንታ

ኮና ክቴና ጸፍምሳንዳ እንድር ግርንታ ከታዘን የልሳንካ ኬታ ይንታ እሜንን ዛቅካንታ የልሰባብ ክርሰቶሳር ማቕባብከሰካንቲ፥ ጸፍሰባቤረ ዕብራውያን ፍጨናር እመንድባብከሰካንታ መያ ክት ማዝድንዳ የሱሰ ክርሰቶሰ ዶፊንኬ ሳብታ መያ ማትንተንታ በእንተን ሰቕኬ። ከታኬና ክርሰቶሳር ማቕባብከሰ ከታ ይንታ እሜንካ ዳቅድንግንዳ ከትም ዛብዝዳ፥ ኮመረ ክት ይድንደትካ ማኬን ዶፊንከሰም መየካ ሰቕዝዳ።

1. ይ ተያን ማጠንካ ይንታ ባቤንካንታ ዶፊን ክትምሰባብ የሱሰ ሰለንክንደታ ኖ ሳብታ ይንቲ፥ ሳብታ ይንቲ ይንታ ማትንተንከረ ኤና እሪ ጫቀንታ ሳብዘንካ ኤሰርሶ ከዛቅባብከዘንካ፥ ሙሴዘንኬ ክታይንቕንከዘንካ እንድር ሰግድባቤ።

2. ኤና እሪ ጫቀንካ ፍክሳዐቅባብ ቄሰንከዘንካ የሱሰይ እንድር ሰግድባብ ሰለንክንደታ ቄሳ ክታ ማትንተን ሳብ ይንታ ማታርንካ ኬዝቴ።

3. የሱሰካ እሜንድባብ ጎማርንካ፥ ጳሰዘንኬ ደእዘንካ እቅዴ፥ የሱሰይ ቄሰንከሰም ገቕዝድባብ ይ ማቕንግንዳ ዕብራውያን ኤድንከሰታ እሜንንታ ዋገንከሰኬ መሄንከሰም ካሰርድንዳ ሰፍግንዳ ሰድምድ ዐቃንዳ እቅንተና ዶፊን ማድንግንዳ ማሰቴ።

ጸፍሰባብና እሰራኤልንከሰታ ፍክሰምሶ ሰገዳንደታር ኤሰምሰባብ ማቕን ኤድንከሰታ እሜንን ካምሰ ማሰሶ (የድይ 11) ናብብድባብከሰ ከታ ይንታ እሜንካ ዳቅተርንግንዳ ከትም ገቀርሰዝዳ፥ ኮትኮግንደረ (የድይ 12) ናብብድባብከሰ ከታ ይንታ እፍንከሰም የሱሰታዘን ማሰሰኮ ከታ ይንታ እሜንካ ዳቅተርንግንደኬ ዐምነረ ማጠከ ዘረካ ከታዘን የልሳን ማቺረ ከት ዳቅድንግንዳ ከትም ኖ ዞርዴ፥ ኬዘንም በይዝደረ ዞረተከ ኤግዝምሰታ ኬዘንም ኬዘሶ በይዝዳ።

ማጻፍን ኮትኮታ ሙዳ የድንተና

ኦርድንታ፥ ሳብ ክርሰቶሰካ መያ ክታ ማትና (1:1-3)

ክርስቶስ ክታይንችንከዘንካ ሰግ ክታ ማትን (1:4—2:18)
 ክርስቶስ ሙሴዘንኬ ኢያሰዘንካ ሰግ ክታ ማትን (3:1—4:13)
 ቄሳ ማትንተና ክርስቶስትንዳ ሙደንዘንካ ሰግና (4:14—7:28)
 ክርስቶስታ ጫቃ ቃለንታ ሰግ ማትንተና (8:1—9:22)
 ክርስቶስ ካሲ ማትንተካ ሙደንዘንካ ሰግና (9:23—10:39)
 እሜንነታ እንድርትቼና (11:1—12:29)
 ሳብሞ ጉርሞስ (13:1-19)
 ምክሰካ ዝጭ (13:20-21)
 በእነታ (13:22-25)

ሳብ ይንታ ይንቹንሳካ ኬዜ

¹ ሳብ ኤና እሪ ሰለናር ዐክ ዐክ ጎግካ፡ ሳብዘንካ ኤሰርሶ ኬዘድባብከሰሳካ ዋንታ ባቤንከሰካንታ በድዐይካ ኬዘድ ዐቋ፡

² ታ ማቼ ኮ በእነታ ሰለናር ሙዳ ሪን ክታ ይንቹንሳካ ከኬን ተይድንግንዳ ይሰሰባብሳካ ዋካንታ ኬዜ፡ ፍጫ ሙደንመረ ክት ፍዛንዳ ክትኬ፡፡

³ ኖ ሳብታ ቦንቹንም ርጵሰሶ ሰቕዝድባቤ፡ ኖይንታ እዘንካ ሳብካ ክክን ኖ ገታ የኬ፡፡ ይንታ ዋልቃ ቃለንካ ፍጫ ሙደን ዳቅሰሶ ኖ የቴ፡ ኤድንከሰመረ ከታ ጎመናርንካ ይ ጭልሳንደታ ቡሪ ጭላር እንድር ሳብንታ ምዝዘን ደቅቴ፡፡

ሳብ ይንቹና ክታይንችንከዘንካ እንድር ሰግና

⁴ ክትካንታ ዋድሞሳንዳ ላምና ክታይንችንታ ላምንዘንካ ሰግ ማቻንከካ ሳብታ ይንቹና ክታይንችንዘንካ እንድር ሰግጮ፡፡

⁵ ሳብ ቦድሶ ክታይንችንታ ዋክያርንካ፡

“የና እሰታ ይንቹዬ፡ ታካ የሰም እእትቴ”

እነረ

“እታ ክታ ባቤና ማድቴ፡ ኖየረ እሰታ ይንቹ ማተረ”

ጋይሳንዳ ዐየንካንተረ ካዬ፡፡

⁶ ሳብ ይንታ ዳነዝ ይንቹንም ኮ ፍጫሙደንካንታ ኦይቻንደትካ “ሳብታ ክታይንችንከሰ ሙደና ክትካንታ ጎሰታጋካ” ጋይቴ፡፡

7 ይነታ ክታይንችንጎካ

“ክታይንችንከሰም እያን፡

ሳብታ ፍክሰንባብከሰመረ ኖሄታ ሎግንችንግንዳ
ማዘድቲ” ጋይዴ

8 ይነታ ይንቲንጎካ ማቼ፡

“ሳብዮ! የሰታ ዶቅንት ጎንገና ሰለንክንደታ ዶቅተሬ፡

የሰታ ባንችምንመረ ዶፈንካ ገችዝዳዬ፡

9 ጭለትችንም ሶልምሳዬ፡ ዳቀልሰን ቦሳዬ፡

ኮጎካ ሳብ የሰታ ሳብና የሰም እጁ፡

የሰታ ላኮይትንከዘንከረ ሰግሰሶ ጉርም እምድን

ሳየርድንደትካ የሰም ሳይሴ” ጋይዴ።

10 ኮትኮግንደረ

“ጮይሰዮ! የና እሪምሳዮ ፍጨንም ፍዘዬ፡

ጭለንከሰረ የሰታ እንንካ ፍዛዬ፡

11 ከታ ሙዳ ካይደኬ፡

የና ማቼ ዶቅተራዬ፡

ከታ ሙዳ አፍላ ግንዳ ገሰርደኬ።

12 ዳኬንግንዳ ቁርተራዬ፡

ከተረ ገሳ አፍላን ክለካ ኦከርድንግንዳ ኦክምደኬ።

የና ማቼ ሙዳዐይካ የነተዬ፡

የሰታ ሰለንተረ በእንታ ካዬ” ጋይዴ።

13 ሳብ ይነታ ክታይንችንታ ዎክያርንካ፡

“የሰታ ይምኤንባብከሰም የሰታ ገችንታ ኤረንታ ጎያር ማስተርን
የለልታ

እሰታ ምዝንዘን ዶእካ” ጋይሳንዳ ዐይካንተረ ካዬ።

14 ይና፡ ክታይንችና ሙዳ አቅድባብ ኤድንከሰካንታ ከት
ፍክሳባብ ኦይትምድባብከሰ ሳብታ ፍግዝድባብ እያንንከሰኬ።

2

አንድር አቅንተና

1 ኮካንታ ዎ ኤሰርሳን ርይንዘንካ ዎ ዋችተራክንግዳ ዎ
ኤሰርሳን ርይንጎካ አንድር ዎ ካችካ ካርሰም ዝግዝዴ።

2 ክታይንችንጎካ ኬዘምሳን ቃለና ደፈን ማቴ፤ ኮትኮም ቃለንመረ ካርዘዳክባብኬ ኮትኮ ቃለንካንታ ክትምዳክባብ ዝግዘድን ዋጭን ተይቴ፤

3 ይና፡ ዋታ ኮም እንድር እቅንተን በህ ዋ ጋይድንዳ ማቼ ዐስግንዶንት ሱርዳ? ኮም እቅንቴን እሪምሶ ኤስምሰባብ ጮይሰ ይንታ ማታርንኬ፤ ክታዘንካ ኤስርሳን ኤድንከሰረ ኮትኮም መያ ዋካንታ ማሰቴ።

4 ሳበረ ጉጅሶ ቃወተንከሰም፤ በርእዘድን ሪይንከሰም፤ ዐክ ዐክ እተን ይይንተኬ ክታ ጋይተንግንዳ እምምሳን እያን ጭልንም ከትካንታ የልሰንተካ ከታ ማርካትቼን ዳቅሰቴ።

ኤድ ይንችታ እቅንተታ ጎርሰንባብ የሱሰታ ማትና

5 ሳብ ኦስ እሪ ዐድንደትም፤ ኮም ዋከዘምድን ኮፍጫ ሙደን ክታይንችንከሰታ ጎያር ገችሳክዬ፤

6 ኮትኮግንደረ ጭል ማጻፍንከሳር ዋልቃ ካርዘን ኩን ጋይምቴ፤

“የሰ ክትም ገቀራባብ ኤድ ዐራ?

ክትካንታ የሰ ካርሰምተርንግንዳ ኤድ ይንች ዐራ?

7 ክታይንችንዘንካ ቶክም መርሳ ማሰሳዬ፤

ቦንቼተኬ ጋለታ ዛወደን ክታዘን ዋጀዬ፤

የሰታ እን ፍክሰንከዘን ክትም ዶርሰዬ”። *

8 “ሙዳ ሪን ክታ ገችንታ ኤረንታ ጎያር ክትካንታ ይሰሳዬ”። ሙዳ ሪን ክታ ገችንታ ኤረንታ ጎያር ይድንካ፤ ክታ ገችንታ ኤረንታ ጎያር ይያክሳ ነክሳንዳ ዐራርዮሃረ ካዬ። ኬዛር ማቼ ታ ዶቅድንደትግንዳ ሙዳ ሪና ክታ ገችታ ኤረንታ ጎያር ማቻንደትም እክ ሰዳኮቴ።

9 ታ ማቼ ክታይንችንዘንካ ቶክም ይርክን ጋይሶ ዐቅባብም፤ ደእታ ማጠንም ክት ተያንጎካ ቦንቼተኬ ጋለታ ዛወደን ባልሰባብ የሱሰም ሰዶቴ፤ ኖ ሳብታ ዉች እምንተንካ ዋሙደንካንታ ደእቴ።

10 ሙዳ ሪና ክትኬ ክትካንታ ፍዝምሳንዳ ሳብ በድ ይንችንከሰም ቦንቼዘን ተይዐድካንታ ከታ እቅንተንታ ጎርሰንባብ ማችባብ የሱሰም ማጠንም ሰክሰካ ቦድማ ማድንግንዳ ይያባብ ክትም ዝክሴ።

* 2:7 የሰታ እንደ ፍክሰንዘን ክትም ዶሪሳየ ጋይድንደትም እብ ማፅሀፍናር ጉጃዬ።

2:8 የቺ 8:4-6።

11 ኤድንከሰም ሳብካንታ ፋሰምሰባብ ማዘድባብ የሱሰኬ ክትካ ሳብካንታ ፋሰምሰባብ ማቕባብ ኤድንከሰረ ዋልቃ ባቤንታ ይንቅንከሰኬ፤ ኮጎካ ኖ ከትም “እስታ እስመንከሶ” ጋይሶ ኤልካንታ ኦሰናዬ።

12 ኮካንተረ ጭል ማጻፍንከሳር

“የሰታ ላምንም እስታ እስመንከሰካንታ ኤሰምዘድቴ፤

ጭልንከሰ ሳንምሳንደታ ዋክያር የቺካ ጋለድቴ” ጋይዴ፤

13 ኮትኮግንደረ “እስታ አሜንን ክታዘን ማዘድቴ” ጋይዴ፤ ካርንከረ “ኮሰቼቴ እንከ ሳብ እካንታ እምሳን ይንቅንከሰ ካሮቴ” ጋይዴ።

14 ኮካንታ ክታ ይንቅንከሰ ዋሄኬ ማቀሰካ ደቅድባብ ኤድንከሰ ከታ ማትንተንግንዳ የሱሰረ ከትግንዳ ኤድ ማቼ፤ ኮመረ ክት ይሳንዳ ይንታ ደእንጎካ ደእዘን ገችታ ኤራ ደቅድባብ ዳብሎሰም ካይሰካንቴ።

15 ኮትኮግንደረ ደእንም ጳሰጎካ ኬታ ይንታ ደቅድን ሰላ ሙደናር እይላትቻር ቆልምድ **ዐትባብም** ቆት ተይካንቴ።

16 ገተረ የሱሰታ ዝግመትና ክታይንችን ማታክናና ኡብራሀመታ ሱሰንም አላካንቴ።

17 ኮካንታ ሙዳ ርይካ ይንታ እስመንከሰግንዳ ማት ክትም ዝግዘድንካንታ ኖ ማቼ፤ ኮም ክት ይሳንዳ ኤድንከሰታ ጎመንም ላላ ጋይሰካንታ ጋይሶ ሳብታ ፍክሰካንታ አሜንምሰባብኬ አጨርድባብ ቀሰንከሰታ ገችንባብ ማቼ።

18 ኖይንታ ማታርንካ ጳጭምሶ ማጠንም ክት ተያን ካንታ ጳጭምድባብከሰም አሌንም አልዴ።

3

የሱሰይ ሙሴዘንካ ሰገድባብ ማትና

1 ኮካንታ የተረ ጉጅሰረ ሳብካ ኤልምሰባብከሰ ሳብካንታ ፋሰምሰባብ አመንድባብከሶ! ዋንታ አሜንንጎካ ኦይትምሰባብኬ ቄሰንከሰታ ገችንባብ ማቕባብ የሱሰም ገቀርከቴ።

2 ሙሴ ሳብታ ኤሄናር ሙዳ አሜንምሰባብ ማትሶ **ዐቃንግንዳ** የሱሰረ ይም ዶርሰባብ ሳብካንታ አሜንምሰባብ **ዐቁ**።

3 ኤሄንም ዋድባብ ኤሄንዘንካ ሰግሰሶ እንድር ቦንቻ ክትካንታ ደቅድንግንዳ ሙዳ የሱሰመረ ሙሴዘንካ ሰግሰሶ እንድር ቦንቻ ክትካንታ ዝግዝድንዳ ማቼ።

4 ኬት ዋልቃ ዋልቃባብከሰካንታ ኤሄን ዋድባብ ደቅዴ፥ ሙዳ ሪን ፍክሰባብ ማቼ ሳብዬ።

5 ኦሰ እሪ ከዘም ዝግዝድን ሪንካንታ ማርካ ማተሮ በድ ሳብታ ኤሄናር ሙሳ ኦሚንምሰባብ ፍክሰንባብ ማትሶ ዐቁ።

6 ክርሰቶስ ማቼ ሳብታ ኤሄናር ኦሚንምሰባብ ክትማቻንዳ ይንቸግንዳ ማትሴ፥ ኤሄነረ ዋቶቲ፥ ክታ ኤሀ ዋ ማድንደረ ዋ ኦሚንምድን ሪንኬ ዋ ጋይሪምድን ጉርምንም ዳቅሰሶ ዋ የጀን ማቼ ማዴ።

ኦሚንምክሳ ነገዳን ዋርሰንካንታ እምምሳን ኤግዝምሰ

7 ኮካንታ እያን ጭልና ጋይድንግንዳ
“ታካ ሳብታ ኤፍሰንም ኤሰርደቶ፥

8-9 ዴል ቆቼናር እም የንታ ባቤንከሰ ጳጫንደትኬ ከት ግርዳንደትግንዳ

የንታ ቡደንም ኤእዳክንዳ ዐይማሰቲ፥ እነረ እንካ ዐይ ጋይቶመቲ።

ቃሰቲን ቦንዳ ሰለናር እሰታ ፍክሰንም ሰደኬ” ጋይዴ ሳብ።

10 “ኮካንታ ከትኬና ኦጥርንዘን ሰነርሰቶ፥

“ኬታ ቡደና ሙዳዐይካ ኮተርዴ፥

እሰታ ጎግንመረ ኤሳከኬ’ ጋይሳቲ”።

11 ጉጅሰረ፥

“ ‘እ ከትካንታ እምድን ዐጪስ ካርናር ቦድሶ ኦርዳየኬ!’ ጋይሰቶ

እሰታ ሰነርንካ ጫቅትቲ”።

12 እሰታ ገርነንከሶ፥ የንታ ዋክያርንካ ዐየነረ ደቅንት ሳብንዘንካ ጎተርዘድን ዳቅልኬ ኦሚንዳክን ቡዳ ደቅተራክንግንዳ ካርሰምከቲ።

13 ሰግሰሶ የንታርንካ ጎመካ ገሰምሶ ኤእዳክን ቡዳ ይንታ ማሳይንግንዳ “ታካ” ጋይምሶ ኤልምሳንዳ ሰጫ ደቅድን የለልታ ሙዳዐይካ ክክ ክክ ዛብሰከቲ።

14 እሪምሶ ዋንታ ደቅድን ኦሚንን በእንታ የለልታ ዛብሰሶ ዋ የጄ ክርሰቶሰካ ክክን ባንቸምን ተይዶቲ።

15 ኮነረ “ታካ ክታ ኤፍሰንም ኤሰርደቶ

ኮትኮ ግር ሰጩናይካ የንታ ባቤንንከሰ ይሳንግንዳ የንታ ቡደን ኤእዳክንዳ ዐይ ማሰቱ”
 ጋይምሶ ኬዝምሳንግንዳ።

¹⁶ ማታጋካ ዳት ከታኬና ክታ ኡፍሰንም ኤሰርሳንደታ ቡር ግርድባብ ዐይክሰረ? ከተረ ሙሴ ከትም ጎርዝድንካ ግብጻርንካ ዉተድባብከሰ ሙደና ካየኮ?

¹⁷ ሳብም ቃሰቴን ቦንዳ ሰላ ሙዳ ሰነርሳዐቅባብ ከታ ዐይክሰረ? ኬታ ኬነና ጎማ ፍክሰባብከሰኬ ከት ደእሰንካ ኬታ ለይሰና ዴል ቆቴናር ዋችሶ ነገድባብከሰ ካየኮ?

¹⁸ ጉጅሰረ ከትከን ክትማክባብከሰም ማታክንዳ ማቼ “እስታ ዐጢስ ካርናር አርዳከቱ” ጋይሶ ጫቅምሳንዳ አብ ዐይክሰ ካንተረ?

¹⁹ ይና ከት አርድክሳ ነገዳንዳ አሜንክሳ ከታ ነግንጎካ ማትንተን ኤዘዶቱ።

4

ሳብታ ዋርሰንከሰካንታ እምምድን ዐጢስ ሰጩንካ

¹ ኮካንታ ሳብ ዋካንታ እምምድን ዐጢስ ካርናር አርድካንታ እክ ዋ ተያን ጉርምና ደቅድንኦል የንታርንካ ዐየነረ ኮትኮ ዐጢስ ካርናር አርድንተታ ማዳክባብ ማትሶ ነግዳክንግንዳ ዋታ ሙደና ዋ ካችካ ዋካርሰማ።

² ክላ ኬዘንም ከትካንታ ሳባክምሳንግንዳ ዋካንተረ ሳባክምቱ፤ ኬዛር ማቼ ከት ኤሰርሳን ቃለንም አሜንካ ከት ተያክንኦል ከትም መያክዬ።

³ ክታ ፍክሰና ኮፍጫ ሙደና ፍዝምሳንደትዘንካ የድሶ ቦድምሳንዳ ማችንከረ ዋራ፤ “እ ከትካንታ እምምድን ዐጢስ ካርናር ቦድሶ አርዳየኬ ጋይሰቶ እስታ ዋጭንካ ጫቅትቱ” ጋይሳንግንዳ ታየረ ዋታ ዋ አመንድንዳ ሳብ ዋካንታ እምምድን ኮት ዐጢስ ካርናር ዋታ አርዶቱ።

⁴ ይና ታብሰ ሰጩንካ ጭል ማጻፍናር ዋልቃ ካርዘን “ሳብ ይንታ ፍክሰ ሙደንዘንካ ታብሰ ሰጩንካ ዐጢሴ” ጋይምሶ ጸፍምቱ።

⁵ ኮትኮግንደረ ኮትኮ ካርንዘን እናካርንካ “እ ከትካንታ እምምድን ዐጢስ ካርናር ቦድሶ አርዳከኬ” ጋይዴ።

6 ከታኬና ክላ ኬዛን እሪምሶ ኤስርሰባብከሰ ኬታ ክትምክሳ ነግነካ ሳብ ከትካንታ እምድን **ዐጢስ** ካርናር እርዳከኬ፥ ማቕንከረ ኮታር ከት እርድንግንዳ ጋይምሰባብ ዋልቃ ዋልቀንከሰ ዶቅደኬ።

7 ኮነረ እርምሶ ጋይምሳንግንዳ

“ታካ ክታ ኡፍሰን ኤስርደቶ፥

የንታ ቡደን ኤእዳክንዳ **ዐይማሰቲ**”

ጋየሮ ሳብ በድ ሰለታ ቡሪ ዳዊትካ ክት ኬዛን ቃለንካ “ታካ” ጋይምሶ ኤልምሳን ሰጤና ማታ ጋይምሶ መያ ማቲ።

8 ኢያሰ **ዐጢስን** ከትካንታ እምተሰናና ሳብ አናካርንካ “ታካ” ጋይንተካ ኣብ ሰጤንካ ከዘሰተራክዶ።

9 ይና ሳብታ ዋርሰንከሰካንታ ኣይሁድንታ **ዐጢስ** ሰጤንም ካምድንዳ **ዐጢስና** እክ ዶቅደ።

10 ሳብ ይንታ ፍክሰንዘንካ **ዐጢሳንግንዳ** ኮትኮግንደረ ሳብ እምድን **ዐጢስ** ካርናር እርድባብ ይንታ ፍክሰንዘንካ **ዐጢዝዴ**።

11 ኮካንታ **ዐየነረ** ከትኬ ኤድንከሰታ ኬታ ክትምክሳ ነግነ ጎርሰምሶ ዋጅዳክንግንዳ ሳብደር **ዐጢስ** ካርናር እርድካንታ ዋ ዛባ።

12 ሳብታ ቃለና ሰለንካ ዶቅድንደትኬ ፍግዝድንዴ፥ ቃሰተንንጎካ ግቕምሳን ማሰንዘንካ ሰግሶ ቃርድንዴ፥ ሰንፔንምኬ ኢያንን፥ ዘንንምኬ ለፍንም ፋሰሶ ና ተጅድንዴ፥ ቡደታ ዋረረ ገቅርንምኬ እንግርንም ፋሰሶ ፋረድንዴ።

13 ሳብታ እሪንካ አቕምድንዳ **ዐረነረ** ፍዝር ካዬ፥ ክት ሳብታ አፍያር ሙዳሪይና መየኬ ዘናጫለንካ ማትሶ **ዐፈርድንዴ**፥ ዋተረ ኬዘታ ማሰን እም ዋም ዝግዝድንዳ ክታ እሪዬ።

የሱሰይ ቄሰንከሰታ ገቕንባብ ማትና

14 ይና ኮዘንካ ጭለንከሰም ሰግሶ ፈሰ ዉተድባብ እንድር ቀሰንከሰታ ገቕንባብ ዋንታ ዶቅድንካንታ ዋንታ ኣፈንካ ዋ ማርከርሳን እሜንን ዳቅሰሶ ዋ የዳ፥ ቄሰንከሰታ ገቕንባብረ ሳብታ ይንቕ የሱሰዬ።

15 ዋካንታ ዶቅድባብ ቄሰንከሰታ ገቕንባብ ዋንታ ጋፍንካንታ ኣጤርካንታ ማድባቤ፥ ኖ የሱሰይ ጎማ ፍክሳክ ዳት ኣብ ሙዳ ሪንካ ዋግንዳ ጳጭምቲ።

16 ይና ሳብዘንካ እጭርንም ዋ ዐብድንግንደኬ እላ ዋም ዝግዝድንደትዐይካ ሳብታ ዉቕ እምንተን ዋ ዐብድንግንደካ ሳብታ ዉቕ እምንተን ዋ ዐብድንደታር ሳብታ ደቅነት ጎንገንደር ቦድማ እሚንምካ ዋ ቅንቕማ።

5

1 ኬታ ዋልቃ ዋልቀና ቄሰንከሰም ገችዝድባብ ኤድንከሰታ ዋክያርንካ እድምሶ ሳብካ ክክን ከትም ዐብድን ሪንጎካ ኤድንከሰታ ካርያር ማትሶ ሳብካንታ እምንተንምኬ ካሲንም ግግሰካንታ ደርምዴ።

2 ኖኮና ቄሰንከሰም ገችዝድባብ ይንታ ማታርንካ ጋፍ ክታዘን ደቅድባብ ማቻንካንታ ኤዘዳክባብከሰምኬ ኮተርድባብከሰም ቡዳርንካ እትርካ ከትም ሰዴ።

3 ኖይንታ ማታርንካ ይንታ ጋፍንጎካ ጎመታ ነገትቼን ዐፍሰዝድን ካሲ እማ ዝግዝድንዳ ዋርሰንካንታ ዐክ ማታክናና ይንታ ማታካንተረ የኬ።

4 ኤና እርንግንዳ ሳብካ ኤልምሰባብ ማታክባብ ማቼ ዐየነረ ኮም ቦንቼን ይንቲ ይንታ ማታካንታ ኖ ዐፋዬ።

5 ኮትኮግንደረ ክርሰቶሰ ቄሰንከሰታ ገችንባብ ማትንተታ ቦንቼን ገታ ይንታ ማታርንካ ተያክዬ፥ ኬዛርንካ ማቼ ኖ ቄሰንከሰታ ገችንባብ ማትንተታ ቦንቼን ክት ዐፍሳንዳ፥

“የና እሰታ ይንቼዬ፥

እታ ታካ የሰም አእትቴ” ጋይሰባብ ሳብዘንኬ።

6 እብ ካርዘነረ ጭል ማጸፍናር ሳብ፥

“መልከጸድቅ ቄሳ ማትሶ ደርምሳንግንዳ

የና ሰለንክንደታ ቄሳዬ” ጋይዴ።

7 የሱሰ ኤድ ማትሶ ኮ ፍጨዘን ክት ዐቃንደትካ ደእዘንካ አቅሰካንታ ክትም ማድባብ ሳብደር እንድር ፍፍኬ በድ ኤርመካ ምክሰንምኬ ጋልትምን ግግሴ፥ ይንታ ማተን ይርክሳ ይይንተካ ይንታ ማተንም ክትምድባብ ክታ ማሰንካ ሳብ ምክሰንም ኤሰርሴ።

8 ዐረነረ ሳብታ ይንቕ ይ ማቕንከረ ዋራ ይ ተያን ማጠንካ ክትምንታ ኤሰሰን ኤሴ።

9 ቦድማ ማትሶ ይ ዐዘረሳንደታ ቡሪ ክትምድባብ ሙደንካንታ ሰለንክንደታ አቅንተን ዐብድግንዳ ይድባብ ከትካንታ ማቼ።

10 ክትመረ ሳብ መልከጻድቅ ቄሳ ማትካንታ ዶርምሳንግንዳ ቄሰንከስታ ገችንባብ ማሰሶ የሱሰም ዶርሴ።

እሜንን ዛቅዳክንግንዳ እምምሳን ኤግዝምሰ

11 ኮትኮ ሪንታ ዋከዝድንዳ ቦድ ሪ ዶቅዴ፥ ኬዛርንካ ማቼ ኬዝድንደትም ኤሰርካንታ በህን የ ጋየጃንካንታ የም ኬዘት አርቶና አንድርይ ማጠ።

12 ታ የለልታ ዶቅድንደታር የታ ኤሰዝድባብከሰ ማት የም ዝግዝዳዶቆ፥ ኬዛርንካ ማቼ ሳብታ ቃለን ኤና እሪ ኤሰሰን አብ ኤድ አናካርንካ ታ የም ኤሰሰ ዝግዝዳ፥ ኮትኮግንደካ የም ዝግዝድንዳ ራጭ ዳት ዳቅማ እችምን ካዬ።

13 ራጭም ማሲ ማሰርድባብ ሙደና አገል ማቻንካንታ ጭለትቼንጎካ ኤሰሰን አክ ኤሳክዬ።

14 ዳቅማ እችም ከትም ዝግዝድባብከሰ ማቼ ኡርመንምኬ ዶቅልን ፋሰት ኤሰካንታ ይንታ ማትንም ግግሰካንታ ጉርድባብ አንድር ኤድንከሰኬ።

6

1 ይና ክርሰቶሰጎካ እምምሳን እሪንደት ኤሰሰንዘንካ እምሶቶ ቦድማ ማቻን ኤሰሰንደር አይተርቲ፥ ደእዘን የልዝድን ፍክሰ፥ ጎማ ፍክሰን ዋይሰንምኬ ሳብካ እመንምንታ የድን አናካርንካ ዋ የዳ፥

2 ኮትኮግንደረ ሰእርንትንደትም፥ አብንከዘን እንን ዋድንቴን፥ ደእያርንካ እምንቴን፥ ሰለንክንደታ ፍርደንታ ኤሰሰን አናካርንካ የድንም ዋ ዐይ የዳ።

3 ሳብ ዋካንታ ጋይሴ ክርሰቶሳር ጋጽዶቲ።

4 ኬታ ይንታ እሜንንም ካጃን ኤድንከሰም ጎማ ይንታ ፍክሰን ከት ዋይዝድንግንዳ ዐስግንዶክ ማዳ? ኬና ኤድንከሰካንታ ኤና ኮታ እሪ ሳክመና ሳክታዶቆ፥ ጭላርንደትመረ እምንተን አፍሰተክዶቆ፥ እያን ጭልንከረ ክክን የካ ማችባብከሰም፥

5 ሳብታ ኡርማ ቃለንምኬ ሳብታ ሰለንክንደታ ገችታ ዋልቀን አፍሰት ሰድባብከሰም፥

6 ኮ ሙደንታ ቡሪ ኬታ ይንታ እሜንን ካጁ፤ ኬታ ይንታ ማታርንካ ሳብታ ይንቹን እናካርንካ ከት ሮግድንካንተኬ መየካ ከት ቶጅድንካንታ ከትም ጎማ ይንታ ፍክሰንም ከት ዎይዝድንግንዳ ማሰካንታ ማትማዬ።

7 በድዐይካ ኮታዘን ዐጎንፎርድን ደብን ዎጭድንዳ ኮርሞሳን ኮርተና ኮርሰባብ ኤድንካንታ መይድንደትም እምድን ፍጨና ሳብዘንካ እንጀንም ዐብዴ።

8 ጋልኬ ኡክምካ ኮት ባቀልሳን ማቼ መይዳክንዳ ና ማዴ፤ ቅንቹ ሰጫረረ ና ባድምዴ፤ ኮታ በእንተነረ ኖሄካ እትርዬ።

9 የታ ገርንካከሶ! ኮም ዎከዘረ ዎራ የታ የንታ እቅንተንካንታ ማድንዳ ኡርማ ሪ የንታ ዶቅድንደትም ዎታ ዐኤርዳኮቴ።

10 ሳብ ሉላ ፍርድባቤ፤ ኮካንታ የንታ ፍክሰንምኬ ኤና እረረ ማታ ታ ሳብካንታ ፋሰምሰባብከሰም አሌንካ ክታ ላምንካንታ የ ሰቕሳን ሶልመን ኖ ባቀራዬ።

11 የታ ሙደነረ ጉርሞካ የካርዝድንደትም ሪን የ የተርን የለልታ የንታ ዛብንተን በእንታ የለልታ የ ሰቕተርንግንዳ ዎታ እንገርዶቴ።

12 ዎ እንገርድንደነረ እሜንኬ ዳንዳእንካ ዳቅሶ ሳብ ጉርሞ ከትካንታ እምምሳን ሪን ተይድባብ ኤድንከሰም የ ካምተርንግንዳ ዳት ቦዘንከሰ የ ማተርንግንዳ ካዬ።

ሳብዘንካ ጉርሞና እመንሰዝድንዳ ማትና

13 ሳብ አብራሀማካንታ ጉርሞ ክት እምሳንደት ዐይካ ክት ጫቅድንዳ ክታዘንካ ሰገድባብ አብ ዐየነረ ካየንካንታ ኩንጋየሮ ይካቕካ ጫቅሴ።

14 “ዶፈን የሰም እንጅድቴ፤ የሰታ ሱሰንመረ በቕዝድቴ” ኩን ጋይሶ ሳብ ኬዜ።

15 አብራሀም ዳንዳእንካ ካርሰሶ ጉርሞ ክትካንታ ከዝምሳን ሪን ዐፍሴ።

16 ኤድንከሰ ጫቅደኮ ኬታ ይንታ ዘንካ ሰገድን ላምካ ጫቅደኬ፤ ኬታ ይንታ ከዛንመረ ጫቅንካ ዳቅሰሶ ኬታ ይንታ ዎክያር ዶቅድን በርምን ሙዳ ዎይዝደኬ።

17 ኮግንደካ ሳብ ማታ ጋይሳንዳ ኦክምዳክንዳ ማቻንደትም ሰግሰሶ መያማድንግንዳ ከትካንታ ሰቕካንታ ዝግሶ ጉርሞ ተይድባብከሰካንታ ጉርምንም ጫቀካ ከትካንታ ዳቅሴ።

18 ኮትኮግንደካ ሳብ ኦክምዳክንደትምኬ ከታዘን ማልዳክንደትም ቃሰተን ሪይንከሰም፤ ጋይንትነረ ጉርምንምኬ ጨቀንም ዋካንታ እምቴ፤ ከታከነረ ቃሰተን ሪይንከሰንካ ዋንታ እሪ ዶቅድን ጉርምን ዳቅሰሶቶ ዋ የተርንግንዳ ገክንንደትም ዐፋካንታ ክደረ ዋታ ኣጥምሰብከሰ አንድር ዳቅንተን ዐፋቶቴ።

19 ናኮና ጉርምና ዋንታ ሰንፔንካንታ ሶግዳክን ሪግንዳ አማንዝድን ኤሄንታ ቱሰንግንዳ። የሱሳር ዋንታ ዶቅድን ጉርምና ሰፍሰርሳንደትም ሰግሶ ጭልምሳንደታር አርዳ።

20 ኮትኮ ጭልምሳንደታር የሱሰይ መልከጸደቅግንዳ ቄሳ ማሰዝድን ዶርምን ሰለንክንደታ ቄሰንከሰታ ገችንባብ ማትሶ ዋካንታ አሪምሶ ኖ አርደዳ።

7

ቄሳ ማልከጸደቅ

1 መልከጸደቅ ሳሌም ካተመንታ ባንችኬ ሙደንዘንካ ሰግ ሳብንታ ቄሳ ዐቁ፤ ናኮና መልከጸደቅ አብራሀም ባንችምንከሰም ጋምሶ ክት ማድንካ ጎግዘን ክትካ ዐፈርሶ ክትም አንጄ።

2 አብራሀመረ ይ የጃን ሪን ሙደናርንካ ታመናርንካ ዋልቀን ዉችሶ ክትካንታ እምሴ፤ መልከጸደቅታ ላምንታ ቡልና ዋልቀና “ጭለትቼታ ባንች” ቃሰትምሰና “ሳሌም ካተመንታ ባንች” ጋይንትና “ሳራትቼታ ባንች” ጋይንትዬ።

3 መልከጸደቅታ ባቤንኬ እንደንካ እነረ ክታ አጥርንታ ጸንታ ካዬ፤ ክታ ሰለንታ የድንተኬ፤ ክታ ዶቅንተንታ በእንታ ካዬ፤ ናኮና መልከጸደቅ ሳብታ ይንችንታ ካምሰ ማትንተካ ሰለንክንደታ ቄሳ ማትሶ ኖ ዶቅተሬ።

4 ኮና ኤችና ዐስግንዳ አንድር ክት ማቻናንከረ ሰድከቴ፤ እሰራኤል አጥርንከሰታ ባቤና ማችባብ አብራሀም ዋራ ዳምንም ዳምድኖ ይ ዋእሰት ተያንደታርንካ ታመናርንካ ዋልቀን ዉችትኖ እምሴ።

5 ከታኬና ቄሰንታ ፍክሰዘን ማድባብከሰ ለዊታ ሱሰንከሰ አብራሀመታ ሱሳ ማችባብ ዋርሰንዘንካ ጋይንትነረ እሰመንከዘንካ ታመናርንካ ዋልቀን ክት ተይድንግንዳ ሙሴታ ሀግና ክትም ክቴ፤

6 ኖኮና መልከጸድቅ ለዊንከሰታ ሱሳ ይ ማታክናነረ ዋራ ኡብራህምዘንካ ታመናርንካ ዋልቀንም ኖ ተዬ፥ ጉርም ቃላ እምምሰባብ ኡብራህመመረ እንጂ።

7 ካንሰና ይነታ ባይረንዘንካ እንጂን ተይድንደትም ዐእጸ ካዬ።

8 ዋልቃንካ ታመናርንካ ዋልቀን ተይድባብከሰ ሌዊና ደእካንታ ማድባብከሰኬ፥ ኡብንካ ማቼ ታመናርንካ ዋልቀን ተይድባብ ሰለንክንደታ ማትሶ ዶቅድንደትም ክትካንታ ማርከርምሰባብ ኖ መልከጸድቅዬ።

9-10 ይና መልከጸድቅ ኡብራህመም ጎግንዘን ይ ዐረፋንደትካ ለዊ ይነታ ባቤን ኡብራህመዘንካ እክ ክት አጥርማክንካንታ ታመናርንካ ዋልቀን ተይ ዝግዝድባብ ለዊ ይነታ ማታርንካ ኡብረህምጎካ ታመናርንካ ዋልቀን ናከቲ ጋይነትዬ።

11 ይና ዋርሰንካንታ ለውንከሰ ዐሰማንዳ ቄሳ ከት ማዳናንከረ እምምሳን ህግንግንዳ፥ ኮትኮ ለዊንከሰታ ቄሳ ማትሶ ፍክሰንካ ቦድማ ማትምደሰናና አርንታ ቄሳ ማትሶ ዶርም ማታክናና መልከጸድቅታ ቄሳ ማትንተታ ዶርምሰባብ ዶቅድንካ ኡብ ቄሳ ዶርም ዝግዝዳክደቆ፥

12 ቄሳ ማትንተታ ጎግና ኦክምድንካ ሙሴታ ህግነረ ዮካ ኦክም ዝግዝዳ።

13 ኬና ሙዳ ክትካንታ ኬዝምሳንዳ ቄሰና አብ አጥርያርንኬ፥ ኮ አጥርያርንካ ዐየነረ ካሰርድንደደር የልሶ ፍክሰባብ ካዬ።

14 ዋንታ ጮይሰና ይሁደታ አጥርያርንካ ማትንትና ኤሰምሳንዳ፥ ማቸንከረ ሙሴ ቄሰንከሰንካ ኬዝድዮ ይሁደታ አጥርያንካ ክት ኬዛንዳ ዐረነረ ካዬ።

ክርሰቶስ መልከጸድቅግንዳ ቄሳ ማትና

15 ኮና ሪና እንድር መያማትሶ ዐረፈድንዳ መልከጸድቅግንደና ኡብ ቄሳ ዶርምድንዐይኬ፥

16 ክርሰቶስ ቄሳ ማትንተካ ክት ዶርምሳንዳ ክታ ዶቅንትንታ በእንታ ካያ ማቸንካንታ ዳት ኤታ ሱሰዘንካ ዐእጻ ዋገኬ ህግካ ካዬ።

17 “መልከጸድቅግንዳ ይነታ ቄሳ ማትንተታ ዶርምን ዮና ሰለንክንደታ ቄሳዬ” ጋይምሶ ጭል ማጻፍናር ጻፍምሶ ክትካንታ ማርከርምቲ።

18 ኮትኮግንደረ ኤና እሪንዳ ክቲና ጋፍምኬ መይዳክንዳ ማቸንካንታ ነግቲ።

19 ሙሴታ ህግነካ ዐራርየረ ቦድማ ማትካንታ ማታክዬ፥ ታ ማቼ ሳብደር ዋ የልድንደታ እንድንካ ኡርድንዳ ጉርሞ ዋካንታ እምሞቲ።

20 ክርስቶስታ ቄሳ ማትና ሳብታ ጫቀንካይሳ ማታክዬ፥ ከታኬና ኤና እሪ ቄሳ ከት ማቻንዳ ጫቃ ካይሴ፥

21 የሱሰይ ማቼ ቄሳ ክት ማቻንዳ ሳብታ ጫቀኬ፥ ኮነረ፥ “ሳብ ‘የና ስለንክንደታ ቄሳዬ’ ጋይሶ ጫቅቲ፥ ክትካንታ ጋይምሳንደትም ኦካዬ” ጋይምሶ ጭል ማጻፍናር ጸፍምሶ ከዘምሳንግንዴ።

22 ኮ ጫቀንካ የሱሰይ እንድር ሰግዳን ጫቃ ቃለንታ ካርያር እመንሰዝድባብ ማቲ።

23 ቄሰንከሰ ደእድንካንታ ዋልቃ ቄሳ ፍክሰዘን ስለንካ ደቅካንታ ማዳክንካንታ ኤና እሪ ቄሰንከሰ በድካ ፋይድምድባብከሰ ዐቀኬ፥

24 የሱሰይ ማቼ ስለንክንደታ ደቅድባብ ክታ ማትንተንካ ቄሳ ማትና ኦክምዳክንዴ።

25 ኮካንታ ይንታ ጋይምሰባብከሰም ጋልትምካንታ ስለንክንደታ ደቅድባብ ክት ማቻንካንታ ክትካ ፈንክ ሳብደር ዐድባብ ሙደን ቦድሶ ክትም አቅሰካንታ ማዴ።

26 ኮግንዳ ሳብካንታ ፋሰምሳንዳ፥ ይንኤርዝድ ሪ ካየንባብ፥ ጭል ይልቻይልቺ፥ ጎመንባብከዘንካ ፋሰምሰባብ፥ ጭለዘንካ ሰግ ጩክን ጋይሰባብ ቄሰንከሰታ ገችንባብ ዋካንታ ዝግዝዴ።

27 ኖ የሱሰረ ኡብ ቄሰንከሰም ገችዝድባብከሰግንዳ እሪምሶ ይንታ ማታ ጎመንታ፥ ኮታ ቡረረ ዋርሰንታ ጎመንካ ሙዳ ሰጫዐይካ ካሲ እም ዝግሳዬ፥ ይንታ ማተንም ካሲ ማሰሶ ክት እምሳንደትዐይካ ኮም ሪን እናካርንካ ይይምዳክንጎግካ ኖ ቦቲ።

28 ሙሴታ ህግና ቄሰንከሰታ ገችንባብ ማሰሶ ክትም ደርድንዳ ቦድማ ማትካንታ ማታክን ኤድንከሰም፥ ሙሴታ ህግንታ ቡሪ ዐድባብ ጫቃ ቃለና ማቼ ስለንክንደታ ቦድማ ማችባብ ሳብታ ይንችን ደርቲ።

8

የሱሰይ ጫቃ ቃለንታ ቄሰንከሰታ ገችንባብ ማትና

1 ይና ኮዘንካ ዋ ኬዘምድን ርንከሰታ አፍ ማድን ሪና ኮኔ፡ ጭላር ሙደንዘንካ ሰግ ሳብንታ ደቅንቲ ጎንገንታ ምዝዘን ደቅሰባብ ኮግንደና ቄሰንከሰታ ገችንባብ ዋንታ ደቅዴ፡

2 ክት ፍግዝድንደና ዶፊን ማቻንዳ ዲንካንና ጭል ኤሄ፡ ኮና ዲንካንና ዋይሰምሳንዳ ኤታ አንካ ማታክናና ጮይሰኬ፡፡

3 ዋልቃ ዋልቀና ቄሰንከሰታ ገችንባብከሰ ዶርምድንዳ እመንምኬ ካሲንም እምካንቲ፡ ኮካንታ ኮነረ ቄሰና እምድንዳ ዋልቃ ሪ ክትካንታ ደቅ ዝግዝዴ፡፡

4 ሙሴታ ህግንግንዳ እመንም ግግዝድባብ ቄሰንከሰ ደቅድንካንታ ክት ፍጨዘን ማደሰናና ኖ ቄሳ ማዳክዶቆ፡

5 ከታኬና ቄሰንከሰ ፍግዝድን ዲንካንና ጭለዘን ዐፈርድንደታ ካምሰኬ ሸፍግንዴ፡ ኮነረ ማቻንዳ ሙሳ ዲንካንን ኡርዝድንደትዐይካ፡ ሳብ “ገቼንዘን የሰካንታ መያ ማቻንግንዳ ሙዳ ሪን ካርሰምሰዮ ቦድካ” ጋይሶ ክትም ክትሳንግንዴ፡፡

6 ታ ማቼ የሱሰይ ኤተከ ሳብተካ ግድያርንባብ፡ ኤእሰካንታ ማድን ጫቃ፡ ኤና እሪ ጫቀንዘንካ ሰገዳንደትኬ እንድር ዐድን ጉርም ማቻንደትግንዳ ክትካንታ እምምሳንዳ ፍክሰና ሰገዳንዴ፡፡

7 ኤና እሪንዳ ጫቀና ይንኤርዝድ ርካየንዳ ማትሶ ዐፈርሰሰናና ቃሰትምሰ ጫቀና ዝግዝዳክዶቆ፡፡

8 ሳብ ይንታ ዋርሰንዘን ይንኤርዝድ ሪ ደቅንተን ሰቕካ ኩን ጋይዴ፡

“ኮሰቼቲ፡ እሰራኤል ዋርሰንኬ ይሁዳ ዋርሰንካ ክክን ክላ ጫቃ እ አርድንዳ ሰጫ ዐይዴ” ጋይዴ ጮይሰ፡፡

9 ኮነረ ጫቃ ቃለና ከታ አንንም የድሰቶ ግብጽ ፍጨናርንካ ከትም እ ዉችሳንደትዐይካ ከታ ባቤንከሰካ ክክን እ አርደዳን ጫቀንግንዳ ካዬ፡ ከታ እሰታ ጫቀንካ ዋእክንካንታ እተረ ከትም በህን ጋይሳቲ ጋይዴ ጮይሰ፡፡

10 “ኮሰቼቲ፡ ኮታ ቡሪ እሰራኤል ዋርሰንከሰካ ክክን

እ አርድን ጫቃ ቃለና ኮኔ ኩን ጋይዴ ጮይሰ፡፡

እታ እሰታ ህግንም ኬታ ማክቼናር ዋድቲ፡

ኬታ ቡደንዘነረ ጸብድቲ፡

እተረ ከታ ሳብ ማትቲ፡

ኬተረ እሰታ ዋርሳ ማደኬ፡፡

11 ‘ጮይሰም ኤሰካ’ ጋይሶ ይንታ የለንመረ ማታ

ይነታ እስመንም ኤስዝድባብ ዐየነረ ዶቅተራክዬ፥
መረንዘንካ የድሶ ባካ ኤድ የለልታ ሙደና
እም ኤስተረኬ፥

12 ኬታ ባችንመረ ነጋ ጋይድቴ፥
ኬታ ጎመንመረ ይና ኮዘንካ ከታዘን ገቀርዳክቴ።።

13 ይና “ክላ ጫቃ ቃለና” ጋይድንካ ኤና እሪንዳ ጫቃ ቃለና
ፍክሰዘን ዐቃይ ጋይነትዬ፥ ኮካነታ ፍክሰምሳንደትኬ ገሳ ሪና
ሙዳ ካይድንደታ ሰጤና የልቴ።

9

ፍጨዘን ዱንካንናር ጎይንና

1 እሪንዳ ጫቃ ቃለና ጎይነርድንደታ ዋገኬ ፍጨዘንዳ ሳብታ
ጭል ኤሀ ዐቁ።

2 ኮታ ዋርንዳ ቃሰቴን ካርዘን ፋስምሳንዳ ዱንካን ግግምሶ
ዐቁ። እሪ ካርናር ዘጸን ዋደርድንደትኬ ጣርጸዘንካ፥ ሳብካነታ
እመርድን ባይሰና ዶቅድን ካርና “ሳብካነታ ፋስምሳንዳ”
ጋይምድ ዐቁ።

3 ቃሰትምሰን ሰፍስርሳንደታ ቡርኅካ ዶቅድንዳ ዋርኅካ ካርና
“ጭል ሳብካነታ ፋስምሳንዳ” ጋይምድ ዐቁ።

4 ኮትኮካርንታ ዋሪ ዋርቀካ ፍክሰርሳንዳ እጣን
ጨፍስርድንደትኬ ዋርቀካ የቼርሳንዳ ጫቃ ቃለነታ ሳጥንና
ኮታር ዐቁ፥ ኮትኮ ጫቃ ቃለነታ ሳጥንነታ ዋረረ ማና እቕምና
ኮታር ዶቅድንዳ ዋርቀካ ፍክሰርሳንዳ ቡንዳይ፥ ጮልሶ ዐቃንዳ
እሪንታ ጉፈና፥ ታማ ክቴንከሰ ጸፍምሳንዳ ላጸላጸ ሰይንና
ዐቁኬ።

5 ጫቃ ቃለነታ ሳጥንንዘነረ ዶቅድን ጎመንም ነግሰዝድንደታ
ጉፍነን ሰፍስድባብከሰ ቦንቕምሰባብ ኩርበል ጋይምድባብ ከፍ
ዶቅድባብከሰ ፍዝር ዐቁኬ፥ ኬዛር ማቼ ከታከና ሪንከሰኅካ
ሙዳ ታ ዋልቃ ዋልቀንም ኬዛካነታ ማታዮቴ።

6 ሙዳ ርና ኮግንደካ ግግምሳን ቡር ቄሰንከሰና ይነታ
ፍክሰንም ቦድካነታ ዱንካንነታ ዋር ዶቅድን እርኅካ ካርናር
ሙዳዐይካ እርደኬ።

8:12 ኤር. 31:31-34። 9:2 ዉት. 26:31-33። 9:3 ዉት. 26:31-33።

9:4 ዉት. 30:1-6፤ 25:10-16፤ 16:33፤ ፋይ. 17:8-10፤ ካሪ. 10:5።

9:5 ዉት. 25:18-22። 9:6 ፋይ. 18:2-6።

7 ቃስትምስ ካርንታ ዋር አርድባብ ማቼ ቄስንከሰም ገችዝድባብ ዐክዬ፥ ክት አርድንደረ ሰለታዋር ዋልቃዲት ዐክዬ፥ ኖሪ ይንታ ማታ ጎመንተኬ ዋርስና ኤሳከክዶቆ ፍክሳን ጎመንታ ይ ካዘድን ማቀሰን የዳክዶቆ አርዳክዬ።

8 እርንደና ዲንካን ዶቅድን የለልታ ጭል ሳብካንታ ፋሰምሳንደደር የልሰዘድን ጎግና እክ መያ ማታክንዳ ማትንተን እያን ጭልና ኮግንደካ ሰጅዴ።

9 ኮነረ ታይንደታ ካምሰዬ፥ ኮግንደካ እምምድን ሳብካንታ እመንኬ ካሲንካ እምድባብ ኤችና ባችንባብ ክታ ማትንተን ገቅሰዘንካ ቦድሶ ጭልሰካንታ ማታዬ።

10 ኬና ርንከሰ ኦክምታ ሰጨና ዐተርን የለልታ ዋገንካንታ ጋይምሶ ፍክሰምድ ዐቁ፥ ከተረ እችምተኬ ዋጭምታ፥ ዐክ ዐክ አርንንታ ዋገንከሰረ ዐክ ፍክሰምሰባብከሰኬ።

ክርስቶስታ ማቀሰና

11 ኬዛር ማቼ ክርስቶስ ዐድዘን ዶቅድን ኡርማ ርንከሰታ ቄስንከሰም ገችንባብ ማትሶ መያ ማቲ፥ ክት አርደዳን ዲንካንና እንድርኬ ቦድማ፥ ናኮና ዲንካንነረ ኤታ እንካ ዋድማክንደትኬ ኮ ፍጫሙደንታ ፍዘርንዘንካ ማታክንዴ።

12 ኖ ክርስቶስረ ጭል ሳብካንታ ፋሰምሳንደታር ዋልቃዲት ዐክ ይንታ ገታ ማቀሰን የድሶ አርደዳ ዳት ደርትንከሰተኬ ገዘምንከሰታ ማቀሰን የድሶ አርዳክዬ፥ ኮግንደከረ ሰለንክንደታ ቆትመንም ዋካንታ ዐፍሴ።

13 ደርትንከሰተኬ ገዘምንከሰታ ማቀሰንኬ ካሲንካንታ እችምሳን ዋከን ማደንታ ብንድን ቱና ማችን ኤድንከሰታዘን ይጭድንካ ዋሄና ቱና ማቻንዘንካ አርንሰሶ ሳብካንታ ፋዘድንዳ ማቼ፥

14 ሰለንክንደታ እያንንጎካ ይንታ ማተን ኦሰንዘድንዳ ካየንደት ካሲ ማሰሶ ሳብካንታ ክት እምሳንዳ ክርስቶስታ ማቀሰና ዶቅንት ሳብንካንታ ዋ ፍግዘድንግንዳ ባችንባብ ዋንታ ማትንታ ገቅርንካ ደእደር ዋም የልዘድን ፍክሰናርንካ ዐሰግንዳ ሰግሰሶ ጭልዘድንዳ ማተራዳቶ!

15 ኬታኬና ኤልምሰባብከሰ ሳብ ጉርምካ እምሳን ሰለንክንደታ ባእንም ከት ተይድንግንዳ ክርስቶስ ክላ ጫቃ ሙደንካንታ ማትሶ ኤእዘድባብ ማቼ፥ ኮነረ ማቻንዳ

ኤድንከሰም እሪንደታ ጫቀንታ ጎሃር ማትሰኮ ከት ፍክሳን ጎመንዘንካ እቅሰካንታ ክት ደእሳንኦሌ።

16 ኬካ ደቅሴ ኤችን ኬግድባብታ ደእና መያ ማት ዝግዝዳ።

17 ኬከና ኬካ ማድንዳ ኬክሰባብ ደእሳንደታ ቡርዬ። ኬግድባብና ሰንፔካ ደቅድንካ ማቼ ኬከና መያዬ።

18 ኮግንደካ እሪንዳ ጫቃ ቃለና ዋራ ማቀሰ ካይሳ ዳቃክዬ።

19 እሪሞሶ ሙሴ ህግንታ ክተንከሰም ሙዳ ዋርሰንከሰካንታ ኬዜ። ኮታ ቡሪ ገዝሞንከሰተኬ ደርትንከሰታ ማቀሰን ሎቀካ ክክን ቡቅሶ ህግንታ ማጸፍንኬ ዋርሰን ሙዳ ቡልከኬ ቆልታ ሰጭካ ፍክሰምሳን ዘይም ክርካ ይጭሴ።

20 ክት ይጭሳንደረ “ሳብ የም ክትሳንዳ ጫቃ ቃለንታ ማቀሰና ኮኔ” ጋይሴ።

21 ኮትኮግንደረ ዲንካንንዘንኬ ፍክሰታ ማድን ሪ ሙድንዘን ማቀሰን ይጭሴ።

22 ገተረ ሙሴታ ህግንግንዳ ቶክም ሪዘንካ እብ ሙዳ ርና ማቀሰካ ጭልምዴ። ማቀሰ ዉልእማክናና ጎመንም ነግዝድ ሪ ዐላፈራዬ።

23 ይና ኬና ጭላር ርንከሰታ ካምሰ ማቶባብከሰ ሙድና ኮግንዳ ዋገንካ እርን ከትም ዝግዝዳደቆ። ጭላርንካ ማቶባብ ርንከሰ ማቼ ኮዘንካ ሰገድን ካሲንካ እርን ከትም ዝግዝዳ።

24 ክርሰቶሰ ኮት ደፈን ሳብታ ጭል ኤሄንታ ካምሰ ማቶንደደርኬ ኤታ እንካ ዋድምሳን ጭል ሳብካንታ ፋሰምሳንደታር እርዳክዬ። ኖ ታ ዋካንታ ሳብታ እሪ ዐፍርካንታ ጭላር እርደዴ።

25 እይሁድንታ ቄሰንከሰታ ገችንባብ ይንታ ማታክንደትም ማቀሰ የድሶ ሰለናር ሰለናር ጭል ሳብካንታ ፋሰምሳንደታር እርድ ዐቁ። ክርሰቶሰ ማቼ ይንታ ማተን በድዐይካ ካሲ ማሰሶ እምካንታ እርዳክዬ።

26 ኩን ማደሰናና ፍጫ ሙድና ፍዝምሳንደትዘንካ የድሶ በድዐይካ ማጣ ተይን ክትም ዝግዝዳደቆ። ታ ማቼ ሰለንከሰታ በእንተዘን ጎመንም ዋይሰካንታ ይንታ ማተንም ካሲ ማሰካ ዋልቃዲት መያ ማቼ።

27 ኤድካንታ ዋልቃዲት ደእ ክትካንታ ጋይምቴ። ደእንታ ቡረረ ፍርዳ ክታዘን ደቅዴ።

28 ኮትኮግንደረ ክርስቶስ በድንከሰታ ጎመንም **ዐልእስካንታ** ዋልቃዲት ካሲ ማቴ፤ ጉጅሰረ ጎመንም ባላካንታ ማታክደቆ ክትም ካርዘድባብከሰም እቅስካንታ ቃስትምስ ዱት መያ ማዴ።

10

ካርንካ ይይምዳክን ክርስቶስታ ካሲ ማትና

1 ሙሴታ ህግና **ዐድን** ኡርማ ሪንታ ካምስ ማትሶ ሰፍ ዳት ደፈንና ካዬ፤ ኮካንታ ሰለናር ሰለናር ሙዳዐይካ ከታ ይካዘድን ካሲንም የድሰኮ ሳብደር **ዐድን** ኤድንከሰም ቦድማ ማስካንታ ማታዬ።

2 ሙሴታ ህግና ቦድማ ከትም ማስካንታ ማደሰ ናና ጎይን ካንታ **ዐድን** ኤድንከሰ እናካርንካ ይምዳክን ጎግካ ጎመናርንካ ከት ጭልምሳንካንተኬ ጎማ ከታዘን ካየንደትመረ ከታ ባችንባብ ማትንተንታ ገቅርና ከትካንታ ኤሰምድንካንታ ካሲ እምንም ዛቅደክደቆ።

3 ኬታኬና ካሲንከሰ ማቼ ሰለናር ሰለናር ጎመንም ከትካንታ ገቅርሰዘድንዴ።

4 **ዐራካንታ** ጋይሴ ገዝምንከሰተኬ ደርትንከሰታ ማቀሰና ጎመንም **ዐልእስካንታ** ማታዬ።

5 ኮካንታ ክርስቶስ ፍጫሙደንዘን ይ **ዐዳንደትካ** ኩን ጋይሴ፤ “ካሲንምኬ እመንም ዘጋካዬ፤

ኤደትቼንም ማቼ እካንታ ግግሳዬ”።

6 አችምድን ካሲንኬ ጎመንም ነክሰካንታ ካሲምድን ካሲንካ ጉርማካዬ፤

7 ኮታይካ እታ፤

“እሰታ ሳብኖ፤ ማጻፍናር እጎካ ጻፍምሳንግንዳ የሰታ ጋይተንም ቦድካንታ **ዐትቴ**” ጋይሳቴ።

8 ና ኮነረ እሪምሶ ከታኬና ሙሴታ ህግንግንዳ ክተርሳንዳ ማችንከረ ዋራ “ካሲንምኬ ሳብካንታ እመንም፤ አችምድን ካሲንምኬ ጎመንም ነግሰታ ካሰርድን ካሲንም ዘጋካዬ፤ ከትከረ ጉርማካዬ” ጋይሴ።

9 ኮታዘንከረ “ይና እታ የሰታ ጋይተን ቦድካንታ ዐትቱ” ጋይሴ፥ ኮግንዳ ጎግካ ቃስትምሰን ካምድን ካሲን ካርንዘን ዋድካንታ እሪንደት ካሲንም ነግክሰቱ።

10 ኮትኮከረ “ጋይታ” ጋይድን ቃለን ግንዳ የሱስ ክርስቶስ ዋሄካ እናካርንካ ይምዳክንደትም ዋልቃዲት ካሲ ክታ ማትንተንጎካ ዋታ ሳብካንታ ፋስምቶቱ።

11 ዋልቃ ዋልቃ ቄሰና ጎመንም ዐልእስካንታ ማዳክን ከትኬና ካሲንከሰም ሙዳዐይካ ግግሰረኮ ሙዳ ሰጫዐይካ ዋእሰኮ ፍግዝደኬ።

12 ክርስቶስ ማቼ ሙዳዐይክንደታ ማድንደትም ዋልቃ ካሲንም ይ ግግሳንደታ ቡር ሳብ ባቤንታ ምዝዘን ደቅቱ።

13 ይና ኮዘንካ ኦሰ ክታ ይምኤንባብከሰ ክታ ገኙንታ ኤረንታ ጎያር ከት ማተርን የለልታ ኖ ካርዝዴ

14 ኮነረ ማቻንዳ ከትከነም ሳብካንታ ፋስምሰባብም ዋልቃዲት ካሲንጎካ ሰለንክንደታ ቦድማ ከትም ማሰሳንካንቱ።

15 እያን ጭልነረ ጉጅሶ ኮ ሪንጎካ ዋካንታ ማርከርዴ፥ እሪምሶ።

16 “ከትኬና ሰጩንከሰታ ቡር

ከትካ ክክን እ ኦርድን ጫቃ ቃለና ኮኔ ጋይዴ ጮይሰ፥

እሰታ ህግንመረ ኬታ ቡደናር ዋድቱ፥

ኬታ ማክቼናረረ ጸብድቱ”።

17 ኮታዘንከረ “ኬታ ጎመንምኬ ኬታ ዳቅል ፍክሰን

ይና ኮዘንካ ኦሰ ኬታዘን ገቀርዳክቱ” ጋይዴ።

18 ኮካንታ ጎማ ሙደና ነጋ ጋይምሳንደታ ቡር ጎመንም ነግሰካንታ እምምድንዳ ካሲ ይና ኮዘንካ ኦሰ ደቃዬ።

ሳብደር ቅንችም ዝግዝድንዳ ማትንተና

19 ይና እሰታ እሰመንከሰኬ ምቕንነከሶ! የሱሰታ ማቀሰንጎካ ጭል ሳብካንታ ፋስምሳንደታር ኦርድካንታ ዋም ማሰዘድን እመንዘድንደትም ዐፍቶቱ።

20 ዋ ኦርድንደረ ሰፍሰንታ፥ ጋይንተነረ ክታ ዋሄንጎካ ዋካንታ ፎቻን ክለንኬ ሰለንካ ደቅድን ጎግንኬ።

21 ጭለር ሳብታ ኤሄንዘን ገኙታ ኤራ ደቅድባብ አንድር ቄሳ ዋካንታ ደቅዴ።

22 ኮካንታ ዳቅል ባችንባብ ማትንታ ገቅርንዘንካ ዎ ጭልምድንግንዳ ዎንታ ቡደንም ሰኤርሶቶ፥ ዎንታ ኤደትቸንመረ ጭል ሎቀንካ ሰኤርሶቶ፥ ሉላ ቡደኬ ደፈን አሜንን የድሶቶ ሳብደር ዎ ቅንችማ።

23 ጉርም ቃለን ዎካንታ እምሰባብ አሜንምሰባብ ክት ማቻንካንታ ታ አሜንሶቶ ዎ ማርከርድን ዐድን ጉርምን ኦስ ፈንክ ጋያኮትዶቆ ዳቅሰት ዎ የዳ።

24 ሶልመኬ ኡርማ ፍክሰካ ንግሶቶ ዎ ደቅተርንግንዳ ዋልቃባብ አብንም ዳቅሳ።

25 ሙዳዐይካ ክክ ዐፈረድቶ ክክ ክክ ዎ ዳቅሳ ዳት ዋልቃ ዋልቀንከስ ሳንምድንደትም ዛቅሳንግንዳ ዎተረ ዎንታ ሳንንተን ዎ ዐይዛቃ፥ ሰግሰሰረ ጮይሰታ ዐድንታ ሰጨና ቅንችምሳን ገቅረረቶ ኮም ርን ሰግሰሶ ይከቲ።

26 ደፈንን ዎ ኤሳን ቡሪ ሶልምሶቶ ጎማ ዎፍክሴ ይና ኮዘንካ ኦስ ጎመንጎካ ግግሰምድንዳ ዐረነረ ካሲ ደቃዬ።

27 ይና ታ ዎም ካርዘድንዳ ማቼ ኦስ እሪ ይይምድንዳ ጳሰዘድን ፍርደኬ ሳብም ግርድባብከስም አድንዳ ጳሰዘድን ኖሄ።

28 ሙሴታ ህግንም ቶችሰባብ ቃሰቲን አነረ ማኬን ኤድንከስ ክታዘን ማርከርሴ አጭር ካይሳ ክት ደእድንግንዳ ፋረድምዴ።

29 ይና፥ ሳብታ ይንችንም ቶችሰባብ፥ ሳብካንታ ፋስምሳን ጫቃ ቃለንታ ማቀሰን ቶክሰባብ፥ ዉች እምንተንታ አያንን የክሰባብ፥ ዐስግንዳ እንድንካ ሰግዳን ዋጭ ክትም ዝግዘድንዶክ የንደር ካምዳ!

30 “ይምኤንም ማዘድባብ እትቲ፥ እታ ዝግዘድን ይምኤንታ ካርያር ማዘድቲ” ጋይሰባብ ዐይማቸረ ኤዘዶቲ፥ ኮትኮግንደረ “ሳብ ዎርሰንዘን ፋረዴ” ጋይዴ ጮይሰ።

31 ኮካንታ ደቅንት ሳብንታ ዋጭ አንንታ ጎይያር ዋችና አንድር ጳሰዘድንዴ።

32 ሳክመና የካንታ ሳክሳንደታ ቡሪ በድ ማጠን ተይደቶ የ ዳንዳእሳንደትም ከትኬና ኤና እሪ ሰጨንከስም ገቀርከቲ።

33 ዋልቃ ዋልቃዐይካ ኤታ እሪ የከርተቱ፤ ኦስኬ ፈንኬ ገፍተቱ፤ ዋልቃ ዋልቃዐይከረ ኮግንዳ ማጠና የልሳን ኤድንከሰካ ክክን ላኮይት የንታ ማትንተንካ ማጠንም ተይተቱ።

34 የካንታ ታይንደትዘንካ ኡርድንደትኬ ሙዳዐይካ ዶቅድን ቆልማ ጭላር የንታ ዶቅድንደትም ኤሰሰቶ ዞከርሰባብከሰካንታ አጨርሰቶ አሌንም አልሰቱ፤ የንታ ብረንመረ የንዘንካ ቡርድንካ ዳንዳእሰቶ ይይምድንደትም ጉርምካ ተየቱ።

35 ይና፡ የካንታ እምምድን አንድር እመን ዐፍካንታ የንታ አሜንምን ዐይዛቀቱ።

36 ሳብታ ጋይተንም ቦድሰቶ ሳብ የካንታ እማካንታ ኬዛን ዐድን ጉርም ቃለን ዐፍካንታ ዳንዳእካ ካርሰ የም ዝግዝዴ።

37 ኮካንተረ ኩን ጋይምሶ ጭል ማጻፍናር ጸፍምቱ፤

“ኖ ዐድባብና ቶክም ሰጩታ ቡር ዐይዴ፤

ኖ ጋምአይ፤

38 እስታ ማቸባብ ጭል ኤድ አሜንካ ዶቅንተን ዐፍተፊ፤

ኦሰ ቡደካ ክት ዶልእሳን ማቼ እታ ክትካ

ጉርማይቱ”።

39 ዎታ ማቼ አሜንሰኮ አቅድባብከሰታ ኮቾት ዳት ኦሰ ቡደካ ዶልእሶ ካይድባብ ኤድንከሰታ ኮቾ ካዮቱ።

11

አመንኅካ

1 አመን ጋይንትና ጉርምካ ዎ ካርዝድን ርን “ዬ ዶፈንካ ማዴ” ጋይሶ አመንሜ፤ እፍካ ሰድምዳክን ሪመረ ሰድምድን ግንዳ ማሰሶ ተዬ።

2 ኤና እሪ ኤድንከሰካንታ ሳብ ማርከርሳንዳ ኮትኮ አሜንንኪ።

3 ፍጫ ሙደና ሳብታ ቃለንካ ፍዝምሳንደትም ዎ ኤዝድንዳ አሜንኬ። ኮካንታ ሰድምድን ሪሙደና ሰድምዳክንዘንካ ፍክሰምሳን ዎታ ኤዝደቱ።

4 አበል ቃኤልታ ካሲንዘንካ ሰግዳን ካሲን ሳብካንታ ክት እምሳንዳ አመንኬ፤ ሳብ አበልታ እመንም ጉርምካ ተያንደትካ አበል ይንታ አመንካ ጭል ክታ ማትንተና ማርከርም፤ አበል ደእሰንከረ ዎራ ክታ አመንንኅካ ታየረ ኬዝመሮ ዶቅዴ።

5 ሄኖክ ደክ የልዳክንግንዳ ጭላር ክት ተይምሳንዳ ይንታ አመንኬ፥ ሳብ ይንደር ክትም ተያንካንታ ዐፈራክዬ፥ ሄኖክ ይ ተይምተርንደታ እሪ ሳብም ክት ጉርምሳንዳ ክትካንታ ማርከርምቲ።

6 አመንካይሳ ሳብም ጉርምሳካንታ ማታዬ፥ ሳብደር ዐድባብ ኤድ ሳብ ደቅድንደትምኬ ክትም ዝግድን ኤድንከሰካንተረ እመንም እምድባብ ክታ ማትንተን አመን ዝግዝዳ።

7 እክ አፍካ ሰድማክን ሪንከሰካንታ ሳብ ኖህም ኤግዝምሳንዐይካ ሳብም ጳሰካ ይንታ ኤህ ኤድን አቅሰካንታ ማርከብን ክት ኡርሳንዳ አመንኬ፥ ኖህታ አመንካ ፍጫ ሙደና ባችሳንዳ መያ ማቼ፥ ኖሄረ አመንካ ዐፈርድን ጭለትቼን ተዬ።

8 አብረህም ባእ ማሰሶ ይ ተይድን ካርዘን ክት አይድንግንዳ ይ ኤልምሳንደትካ ዐብር ይ አይዳናንከረ ኤሳክዶቆ አይካንታ ክት ክትምሳንዳ አመንኬ።

9 ክትካ ክክን ጉርም ቃለን ተይድባብከሰ ይሳቀኬ ያይቆበካ ክክን ጉርም እምምሳን ፍጨናር ሶች ማትሶ ዱንካንናር ክት ደቅሳንዳ አመንኬ።

10 ኮመረ ክት ይሳንዳ ዳቅማ የድይ ደቅድንደትም፥ ሳብ ገቀርሳንደትምኬ ክት ፍክሳን ካተመን ክት ካርሰር ዐቃንጉኬ።

11 ሳረረ ጉርምን ኮትም እምሰባብ ሳብ አመንምሰባብ ማትንተን ና ይ ኤሳንካንታ ይንታ ጋልተርንዘንካ እምሳንዳ አጥማካንታ ማዳክንዳ ይማችንከረ ዋራ ሰርማ ነግካንታ ዋልቃ ኮት ዐፍሳንዳ አመንኬ።

12 ኮካንታ ደእሰባብ ኤድግንዳ ፋይድምድባብ አብራህም ዋልቀንዘንካ ጭለዘን ቤዝንከሰግንዳ በጃንደትኬ ባሀርንታ ካንተዘን ዐፈርድን ሻምን ግንዳ ፋይድምዳክን ሱሳ ዐፈርሴ።

13 ኬና ሙዳ አመንካ ደቅደኮ ደእሰኬ፥ ሳብ ከትም እምካንታ ኬዛን ጉርም ቃለንም ዐፋከኬ፥ ኬዛር ማቼ ጎትካ ሰድሰኮ ገታ ከታ ይ ዐፍሳንግንዳ ማሰሰኮ ጉርምካ ተየኬ። ፍጨዘን ሶችኬ ባርቅባብ ከታ ይንታማትንተን ገቀርሰኬ።

11:5 ፍዝ. 5:21-24። 11:7 ፍዝ. 6:13-22። 11:8 ፍዝ. 12:5።

11:11 ፍዝ. 18:14፤ 21:2። 11:12 ፍዝ. 15:5፤ 22:17፤ 32:12።

11:13 ፍዝ. 23:4፤ 1 ኬዛ 29:15፤ የቺ 39:12።

14 ኩን ኬዝድን ኤድንከሰ ኬታ ይንታ ማድን ፍጨንም ከት ካርዝድንደትም መየካ ሰችዝደኬ።

15 እሪ ይ ወተዳን ፍጨን ከታ ይ ገቀርተሰናና ኦሰ ኮታር ማትካንታ ማደክ ዶቆ።

16 ታ ማቺ ሰገድንደትም ጭላር ዶቅድን ካርን ሱነርደኬ፤ ኮካንታ ሳብ ካተመንም ከትካንታ ግግሳን ኦል “ኬታ ጮይሰና” ጋይምሶ ኤልምካንታ ኦሰናዬ።

17 ኦብራሀም ይ ጳጭምሳንደትዐይካ ይሳቀም ካሲ ማሰሶ ክት ግግሳንዳ ኣመንኬ፤ ኮት ጉርም ቃለን ክት ተያንዳ ኦብራሀም ዋልቃ ይንታ ይንቺን ካሲካንቲ፤

18 ይና፤ ሳብ፤

“ይሳቀታ ሱሰካ የሰም ኤልተረ” ክትም ጋይቲ።

19 ሳብ ደእያርንካ ኣምሰሰታ ዋልቃ ክታ ዶቅድንደትም ኦብራሀም ኣመንሳንካንታ ገታ ደእያርንካ ኣምሳንደትግንዳ ይሳቀም ኣናካርንካ ክትም ዐፍሴ።

20 ይሳቅ ኦሰ እሪ ማድን ሪይም ገቅርካ ያይቆብምኬ ኤሳውምንካ ክት ኣንጃንዳ ኣመንኬ።

21 ያይቆብ ደእድንደታ ሰጨና የልድንካ ዮሴፍታ ይንቺን ዋልቃ ዋልቀንከሰም ኣንጃንደትኬ ጉፈንዘን ገክንሶ ክት ጎሰትሳንዳ ኣመንኬ።

22 ዮሴፈረ ክት ደእድንደታ ሰጨና የልድንካ ኣሰራኤልንከሰ ግብጽ ፍጨናርንካ ከት ወድንደትም ክት ኬዛንዳ ክታ ለፍንመረ ዐለ ከትም ይይዝግዝዳናንከረ ክታ ክት ኣምሳንዳ ኣመንኬ።

23 ሙሴም ኣጭባብከሰ ሙሳ ኢጥምሳንደትካ ኡርማ ላቅምድባብ ክታ ማትንተን ሰድሰኮ ባንቺንታ ክቴን ጳሳክክዶቆ ማኬን ኣርፍ ክት ክትም ኣቻንዳ ኣመንኬ።

24 ሙሴረ ይ ጋጵሳንደታ ቡር “ፈርዖንታ ይንቺንንታ ይንቺ” ጋይምሶ ኤልምንም ክት ዝጋክንዳ ኣመንኬ።

25 ኮካንተረ ሙሴ ጎመዘንካ ዐፈርድን ቶክም ሰጨታ ጉርምንዘንካ ሰግሰሶ ሳብታ ዋርሰንካ ክክን ማጣ ተይንም ዝግዘ።

11:17 ፍዝ. 22:14። 11:18 ፍዝ. 21:12። 11:20 ፍዝ. 27:29፤40።

11:21 ፍዝ. 47:31—48:20። 11:22 ፍዝ. 50:24-25፤ ወት. 13:19።

11:23 ወት. 1:22፤ 2:2። 11:24 ወት. 2:10-12።

26 እስ እረረ ይ ተይድን ይንታ ፍክሰንታ ናክን ይ ሰዳንካንታ ግብጽ ፍጨንታ ቆልመንዘንካ ሰግሰሶ ክርስቶስካ ቶችምና ሙደንዘንካ ሰገድንዳ ማትንተን ኖ ገቀርሴ።

27 ባንችንተረ ዋጭንም ጳሳክደቆ ግብጽ ፍጨናርንካ ሙሳ ወተዳንዳ አመንኬ፥ አፍካ ሰድምዳክን ጮይሰንመረ ይ ሰዳንከካ ማሰሶ ይንታ ገቅርንካ ዳቅሴ።

28 ዳነዝ ይንችንከሰም ደይሳካንታ ክትምሰባብ ክታይንችና እስራኤልንከሰታ ዳነዝ ይንችን ደይዝዳክንግንዳ ጋይንተካ ሙሴ ፋሰገንተኬ ማቀሰን ይጨርድን ዋገን ክት ይሳንዳ አመንኬ።

29 እስራኤልንከሰ ዋቻ ፍጨንዘን ሙከርድንደትግንዳ ዘይም ባህርንዘንካ ከት ቃልሳንዳ አመንኬ፥ ግብጽ ፍጨ ኤድንከሰ ማቺ ኮትኮግንዳ ቃልካንታ ከት ይድንካ ሙደነረ ባህርናር ኤቅዝምሰኬ።

30 እስራኤልንከሰ ኢያርኮ ካተማ ሰይን ጋሰንታ ካንተካ ታብዛ ሰጫ ከት ሰርሳንደታ ቡር ጋሰንከሰም ከት ወልእሳንዳ አመንኬ።

31 ቤልምን ቤልምድንዳ ረክብ ግረንባብከሰም ኡርመካ ኮት ሞክሳንዳ ክትምዳክባብከሰካ ክክን ደእዘንካ ኮት አቃንዳ አመንኬ።

32 ይና አብ ኮዘንካ ሰግ ዐርስ ጋይቲ? ገድኦንንካ፥ ባራቅካ፥ ሶምሶምካ፥ ዮፍታሄካ፥ ዳዊትካ፥ ሳሙኤልካ፥ ሳብዘንካ ኤስርሶ ከዛቅባብከሰከረ ፍክሰምሶ ሰገዳን እ ኬዝዳክንግንዳ ሰጨና እካንታ ማታዬ፥

33 ከታ አመንካ ባንችንከሰም ዳምካ ጋምሰኬ፥ ዋርሰንም ደፈን ፍርደካ ገችሰኬ፥ ከትካንታ እምምሳንደትመረ ጉርምንም ዐፍሰኬ፥ ዘበንከሰተረ አፈን ዝጨኬ።

34 ኖሄታ ዋልቀንመረ ካይሰኬ፥ ግቼርሳን ማሰንዘንከረ ሱርቸኬ፥ ኬታ ጋፍና ዳቅንታር ኦክምሴ፥ ዳምካ ኤስምሰባብከሰ ማቺኬ፥ ይምኤንባብከሰ ኦይቻን ዳምንባብከሰም ዳይሰኬ፥

35 ማነንከሰ፥ ደእሰባብ ኬታ ሱሰንከሰ ደእያርንካ እምሰንካ ሰደኬ፥ አብንከሰረ ሰገዳን ደእያርንካ እምንተን ዐፍካንታ

11:27 ዉት. 2:15። 11:28 ዉት. 12:30። 11:29 ዉት. 14:31።

11:30 ኢያ. 6:21። 11:31 ኢያ. 2:21፤ 6:25። 11:32 ዳኻ. 6:11—8:32፤ 4:6—5:31፤ 13:2—16:31፤ 11:1—12:7፤ 1 ሳሙ. 1:1—1 ባንቺ. 2:11። 11:33 ዳን. 6:27። 11:34 ዳን. 3:30።

ገቀርሱት ዐክ ዐክ ማጠንም ተየኑ፤ ከናከሰግንዳ ዞክነርንከረ ዉትካንታ ከታ ዝጋከኑ።

³⁶ ኡብንከሰ ኤታ ለቃ ማትሰኮ ዐርደርሰኬ፤ ኡብንከሰ ዱትን ዞከርድን ሰብልንካ ዞከርሰኮ ዞክና ኤሄናር ኦይትምሰኬ፤

³⁷ ሰይንካ አቅምሰኬ፤ ማጋዝካ ተቕምሰኬ፤ ማሰከረ እክት ከትም ደይሰኬ፤ ቆልተኬ ደርትታ ጉፍታ ቆበርሰኮ ኦሰ ፈንክ ጋየረኮ ጋፍሰኬ፤ ሪካይሰንባብኬ ዳይርምሰባብ ማትሰኮ ላንቅሰኬ፤

³⁸ ዴል ቆቻር፤ ገቼዘን፤ የርሳርኬ ጎርያር ኦንግዘኬ። ኮግንደከረ ፍጫሙደንካንታ ዝግዝድባብ ማትሶ ዐረራክዬ።

³⁹ ከናከሰ ሙዳ ኬታ አሜንንካ ሳብካ ማርከርምሰባብ ማቕንከረ ከትካንታ እምምሳን ጉርምን አክ ዐፋከኬ።

⁴⁰ ሳብ ዋካንታ ሰግ ኡርሳንደትም ገቀርቲ፤ ኮካንታ ኬታ ዋንካ ክክን ዳት ኬታ ይንት ቦድማ ማዳከኬ።

12

ሳብ ይንታ ይንቕን ዐግዴ

¹ ኡፓግንዳ ዋንታ ካንተንካ ቀይነሰባብከሰ ኬና ሙዳ ማርከንከሰ ዋንታ ደቅድንካንታ ዋታ ባላ ማድንደትመረ ሙዳ ዋንዘን የድምሳን ጎመን ዐልእሰሶቶ ዋንታ እረረ ደቅድን ኡብንም ጋምካንታ ዘደን ዳንዳእካ ዋ ዘዳ።

² ዋ ዘድንደረ ዋንታ ኣመንንታ የድንም የቕሰባብኬ ቦድንታ ማቕባብ የሱሰም ሰድንኬ፤ ኖይንታ እሪ ደቅድን ጉርምንካ ማዝቀልንዘን ደእንካ ኦሰንን ዐረንገረ ፋይዳክደቆ ማዝቀልንዘን ማጠንምኬ ደእንም ዳንዳእሴ፤ ሳብታ ደቅንት ጎንገንታ ምዝዘነረ ደቅሴ።

³ ይና ቦሳከትደቆ እነረ ጉርምን የንታ ተቻከትደቆ ኮም ሙዳ ጎመንባብከሰታ ግርን ዳንዳእሰባብ የሱሰም ሰድከቲ።

⁴ የታ ጎመካ ክክን ጉርካ አክ የ ደይሰምተርን የለልታ ጉራከቲ።

⁵ ሳብ ይንታ ይንቕንግንዳ ማሰሶ ኩንጋየር የካንታ ዞርሳንደትም ባቀርተቲ፤

“እሰታ ይንቕኖ! ጮይሰታ ዐገን ዐይቶክሴ፤

11:35 1 ባንቺ. 17:24፤ 2 ባንቺ. 4:37። 11:36 1 ባንቺ. 22:26-27፤

2 ሳሙ. 18:25-26፤ ኤር. 20:2፤ 37:5። 11:37 2 ሳሙ. 24:21።

የሰሞ ዋጫነታቸው የሰታ ጉርምን ወይተኛ፤

6 ጮረሰ ይሰልምድባቸው ኖ ወይተኛ፤

ይንታ ይንቸግንዳ ማሰሶ ይ ሰድባቸው ሰርዳ።

7 ሳብ ይንታ ይንቸግንዳ የሞ ፋይድንካንታ ክታ ሰርንም ዳንዳእከቱ፤ ባቤና ሰርዳክባብ ይንቸ ወይተኛ?

8 ይንቸ ማቸባብ ሙደና ከት ተይድን ሰርንም የተረ የተያክንዳ ማቼ እጭባብ ኤሰማይ ይንቸግንደት ዳት ባብይ ዶቅድን ይንቸግንዳ ካየቱ።

9 ኮዘንከረ አብ ዎ ሙደን ሰርድባብ ዎም እጭባብ ዎንታባቤንከሰ ዶቅደኬ፤ ዎታ ከትም ቦንጅድወቆቱ፤ ኮናና፤ ሰንፔካ ዶቅካንታ እያንናር ዎንታ ባቤንካንታ ሰግሰሶ ክትም ወስግንዳ ዎም ዝግሳይንዳ!

10 ኬታ ኡርማ ካምሶ ከትካንታ ወፈርሳንግንዳ ቶክም ሰጫካንታ ዎም ሰርተኬ፤ ሳብ ማቼ ሳብካንታ ፋሰምን ካሰምድባብ ዎምድንግንዳ ዎም መይድንግንዳ ሰርዳ።

11 ሰር ሙደና ይንታ ሰጪንካ ሞርእስዘድንዳ ዳት ጉርምዘድንዳ ካማዬ፤ ኬዛር ማቼ ሰርና ኤሰሳን ኤድንከሰካንታ ሳራትቶ በጃን ጭለትቼንታ እፍን ከትካንታ ወፍስዝዴ።

ዘረኬ ኤግዝምሰካ

12 ኮካንታ የንታ እንቼርሳን እንንምኬ ጋፍሳን የንታ ቡቀንከሰም ዛብሰከቱ።

13 ዎከልዎከል ጋይድባበረ ፋጭድንግንዳ ዳት ካርንም ዛቅሶ ዎብዳክንግንዳ የንታ ዱትንካንታ ሉላ ጎግ ማሰከቱ።

14 ሳብካንታ ፋሰማክዶቆ ወየነረ ጮረሰም ሰድንካንታ ማታይንካንታ ኤድ ሙደንካ ክክን ኡርመካ ደእከቱ፤ ሳብካንተረ ፋሰምሶ ዶቅካንታ ጉርከቱ።

15 የንታርንካ ወየነረ ሳብታ ዉች እምንተና ክታዘን ዘገርዳክንግንዳ ካርሰምከቱ፤ ኮትኮግንደረ ወረነረ ጫቅምድን እፍ ኡዝድን ኮራ የንታ ዎክያር ባቀልዳክንግንደኬ የም ማእዘዳክንግንዳ በድንከሰመረ ቱና ማዝዳክንግንዳ ካርሰምከቱ።

16 ቤልምባብ ማቸባብ እነረ ዋልቃዱት እቸምካንታ ጋይሶ ይንታ ባይረንም ሰንሰባብ ኤሳውግንዳ ሳብም ጸዘዳክባብ ኤድ ወፈርዳክንግንዳ ካርሰምከቱ።

17 ኮታ ቡረረ ኤሳው እንጀንሞ ካርንካ ተይካንታ ክት ዝግዛንባይካ ኮትኮ እንጀንሞ ክትካንታ ማርሞሳንደትሞ የታ ኤዘደቲ፥ ኤፈሮ ዋራ ኮት እንጀንሞ በድካ ክት ዝግዛንከረ ኖ ባላክዬ። ጎማ ፍክሰን ወይሰታ ካሪ ባላክዬ።

18 የታ እንካ ዋልሞድን እነረ አድን ሲና ገቼንዘን፥ ቃይቃየንደር፥ ኡሞንደርኬ፥ ቡርበቕ ዘገንደረረ የላከቲ።

19 እንዳለታ ኡፍሰኬ እነረ ኬዘሞድን ኡፍሰ ኤሰሞድንደታር የላከቲ፥ ኮትኮ ኡፍሰን ኤሰርሳን ኤድንከሰ “ይና ኮዘንካ ኦሰ አብ ኬዛ ዋካንታ ባይከዝማ” ጋይንተካ ሞክሰ ዋራ የጀኬ።

20 ኮካንታ “መሄንከሰ ዋራ ገቼንሞ ዋልሴ

ሰይንካ አቀርሶ ከት ደእ”

ጋይድን ክቲና ከትሞ ደጫንኦል ባላካንታ ማታከኬ።

21 ሰድሞሳን ይተና እንድር ጳሰዘድንዳ ማትንተንዘንካ አምሳንዳ ሙሴ ዋራ

“እታ ጳሳቲ፥ እታ ጭጫቲ” ጋይሴ።

22 የታ ማቼ ጽዮን ገቼንደር የልተቲ፥ ና ደቅንት ሳብንታ ካተማ ማቻንዳ ጭላርንዳ የሩሳሌመ፥ ጉርምካ ሳንሞሰባብከዘደር፥ በድ ሳኣካ ፋይድሞድን ክታይንቕንከዘደር የልተቲ።

23 ኬታ ላሞና ጭላር ጳፍሞሳንደታር፥ ኣመንድባብከሳርንካ ኤልሞካ ዳነዝ ማቕባብከሰታ ሳንንተናር፥ ሙደንዘን ፍርዳካንታ ማድባብ ጮይሰንደርኬ ቦድማ ማቕባብ ጭልሞሰባብ ሰንፔንከዘደር የልተቲ።

24 ክላ ጫቃ ቃለንታ ግድያር ማትሶ ኤድሞዝድባብ የሱሰደር፥ አበልታ ማቀሰንዘንካ ሰግ ኡርድንደትሞ ከዘድባብደርኬ ይጭሞሳን ማቀሰንደር የልተቲ።

25 ኮትኮሞ ኬዘድባብደር ኤሰርዳኮተ የ ጋይተራክንግንዳ ካርሰሞከቲ፥ ከታኬና ሳብ፥ ኤድኅካ ፍጨዘን ከትካንታ ኬዘድንካ ኤሰርዳኮተ ጋይሰባብከሰ ከት ሱርታክንዳ ማቼ፥ ይና ዋታ ጭለዘንካ ዋካንታ ኬዘድባብሞ ዋ ኤሰራክንዳ ማቼ ባሰግንዶንት ሱርዳ!

26 ኮታይካ ክታ ኡፍሰና ፍጨንሞ ሶክሰቲ፥ ታ ማቼ “ፍጨንሞ ባሰግ ማታክናና ዋልቃዱት እነታ ጭለንሞ ጉጅሰቶ ሶግዘድቲ” ጋይንተካ ጉርምን ኬዘቲ።

12:17 ፍዝ. 27:30-40። 12:19 ዉት. 19:16-22፤ 20:18-21፤ ካፊ.

4:11-12፤ 5:22-27። 12:20 ዉት. 19:12-13። 12:21 ካፊ. 9:19።

12:24 ፍዝ. 4:10። 12:25 ዉት. 20:22። 12:26 ሐጌ. 2:6።

27 ኮና “ዋልቃዲት ጉጅሰቶ” ጋይድን ኬዘና ሰጅድንዳ ሶግዳክን ሪንከሰ ዳቅሶ ከት ደቅድንግንዳ ሶግድን ሪንከሰ እነረ ፍዝምሳን ሪንከሰታ ካይንተን ሰጅዴ።

28 ይና ዋታ ሶግዳክን ባንቶምን ዋ ተይድንካንታ ሳብም ዋ ጋለታ፥ ክት ጉርምድንግካ ቦንቹኬ ጳሰካ ዋ ክትካንታ ፍክሳ።

29 ዐራካንታ ጋይሴ ዋንታ ጮይሰና እድን ኖህግንዴ።

13

ሳብም ጉርምድን ፍክሰ

1 ሙዳዐይካ ክክ ክክ እሰመንተኬ ካንሰተካ ሶልመንግንዳ ሶልማ የካንታ ደቃ።

2 ሶቶን ሞከንም ዐይባቀረቱ፥ ኮትኮግንዳ ሶቶንከሰም ሞከረኮ ዋልቃ ዋልቃ ኤድንከሰ ኤሳከክዶቆ ክታይንቶንከሰም ሞክተኬ።

3 ከትካ ክክን የካ የ ዘከርሳንከካ ማትሰቶ ዘከርሰባብከሰም ገቀርከቱ፥ የተረ ከትግንዳ ማጣ ተይድባብከሰግንዳ ማትሰቶ ማጣ ተይድባብከሰም ገቀርከቱ።

4 እንቹኬ ይእምካ ሙደንደር ቦንቶምሳንዳ ማታ፥ ቤልምባብከሰምኬ ቤልምንባብከሰም ሳብ ኬታዘን ፋረድንካንታ ክእሰኬ ኬነንካ ክክ እሚንምክሳ ነግንተካ ይንታ ደቅንተን ቱና ከት ዐይማላ።

5 ብረም ሶልመዘንካ ጎተርከቱ፥ የንታ ደቅድንዳ የካንታ ማተረ፥ ሳብ “ቦድሶ እታ የሰም ዛቃይቱ፥ ባቀራይቱ” ኖ ጋይቱ።

6 ኮካንታ አመንምካ፥

“ጮይሰ እሰታ አሌንባቤ፥ ጳዘዳክቱ፥

ኤድ እም ዐርክ ይዳ?” ጋይዶቱ።

7 ሳብታ ቃለን እሪምሶ የካንታ ኬዘባብ የም ጎርዝድባብከሰም ዐይባቀረቱ፥ ከታ ገቶ ዐቅንምኬ ኬታ ፍክሰንታ እፍን ገቅርካ ኬታ አመንን ጎርሰምከቱ።

8 የሱሰ ክርሰቶሰ ናከረ ታከረ ሰለንክንደተረ ኖተቱ፥ እክማዬ።

9 ኤሰምዳክን ዐክ ዐክ ኤሰሰንከሰ ተይ የም እይዳክንግንዳ፥ ዋንታ ቡደና እቶምታ ዋገንም ካርሰካ ማታክናና

ሳብታ ወች እምነተንካ ዳቅሴ ኡርሜ፥ ኮም እችምንታ ዋገንም ጎርሰምሰባብ ኤድንከሰ ዐረነረ ከትም መያክዬ።

10 ዋንታ ካሰርድንዳ ዳቅዴ፥ ማችንከረ አይሁድንከሰ ጎይንድን ዲንካንናር ፍግዝድባብ ቁሰንከሰ ኮትኮ ካሰርድንደታዘን ዳቅድን እችምንዘንካ ተይ ከት እጅድንግንዳ ጋይማዬ።

11 አይሁድንታ ቁሰንከሰታ ገችንባብ ጎመታ ነገትቹን ዐብዝድንደትም መሄንታ ማቀሰ የድሶ ጭል ሳብካንታ ፋሰምሳን ኤሄናር አርዴ፥ መሄንታ ዋሄንም ማቹ ኬታ ይንታ ዲንካንዘንካ ጎተርሰሶ ካሪ አብንዘን አጅደኬ።

12 ኮትኮግንደረ የሱሰይ ዋርሰን ይንታ ገታ ማቀሰንካ ጭልሰካንታ ካተመንታ ፍልተንዘንካ ማልጎካ ማጠንም ተይሶ ደእሴ።

13 ዋተረ ዋንታ ዲንካንናርንካ ወትሶቶ ክደር ዋ እያ፥ ክታ ቶችምንመረ ካሰምድባብ ዋ ማታ።

14 ዋታ አክ ዐድንደት ካተመን ካርዝደት ዳት ዳቅሶ ደቅድንዳ ካተማ ኮፍጨዘን ዋንታ ካዬ።

15 ይና የሱሰ ክርሰቶሰጎካ ጋለታ ካሲን ሙዳዐይካ ሳብካንታ ዋ እማ፥ ኮነረ ክታ ላምንጎካ ማርከርድን አፈንከሰካ እምምድንዳ ጋለታ ካሲዬ።

16 ኡርማ ሪም ይተኬ የንታ ደቅድንደት ሪም አብ ኤድንከሰካንታ ካሲንም ዐይባቀረቴ፥ ሳብም ጉርምዝድንዳ ኮግንዳ ካሲኔ።

17 የም ጎርዝድባብከሰካንተረ ክትምከቴ፥ ክታ ገችታ ኤረንታ ጎይያር ማትከቴ፥ ከትም ኦይሰዝድንዳ ኬታዘን ደቅድንካንታ የንታ ሰንፔንጎካ ጉርደኬ፥ የታ ከትካንታ የ ክትምሰ ኬታ ይንታ ፍክሰን ጉርምካ ፍግዝደኬ፥ ኩን ማታክን ማቹ ኬታ ይንታ ፍክሰንም ሞርእካ ፍግዝደኬ፥ ኮነረ የካንታ መይድንዳ ማታዬ።

18 ዋካንታ ሞክሰከቴ፥ ባችንባብ ዋም ማዘዳክን ኡርማ ገቅር ዋንታ ደቅድንደትም ኤሰቶቴ፥ ሙዳ ጎግከረ ኡርማ እዘካ ደቅካንታ እንገርዶቴ፥

19 ሰግሰሰረ እ የንደር ሳነካ ማድንግንዳ ዛብሰቶ የ ሞክሳባብ ዳቅሰሰቶ የም ኬዝድቴ።

በእንታ ሞክሰ

20 ቆልነከሰታ ግሰመንባብ አንድር ዋንታ ጮይሰን የሱሰም ሰለንክንደታ ጫቃ ቃለንታ ማቀሰንካ ደእያርንካ አምሰባብ ሳራትቼንታ ጮይሰና።

21 ክታ ጋይተን ቦድባብ የ ማተርንግንዳ ኡርማ ሪካ ሙዳ የም ሶቅሳ። ክትም ጉርምዝድንደትመረ የሱሰ ክርሰቶሰንካ ዋንካ ክት ፍክሳ። የሱሰ ክርሰቶሰካንተረ ሰለንካ ሰለንክንደታ ቦንቻ ማታ። አምንኤ።

በእንታ ዞራ

22 እሰመንከሰኬ ምቕነንከሶ! ኮና የካንታ እ ጸፍሳንዳ ክቴና ቶክም ማቻንካንታ ኮትኮም እሰታ ዞራ ኬዘን ዳንዳእካ የ ተይተርንግንዳ ዳቅሰሰቶ የም ዘርድቴ።

23 ዋንታ እሰመን ጠማቶሰ ዞክና ኤሄናርንካ ክት ወተዳንደትም የ ኤሰተርንግንዳ ሶልምድቴ። ሳነካ ክት ካሪ ዐደ። ክትካ ክክን የንደር ዐድሰቶ የም ሰድቴ።

24 የም ጎርዝድባብከሰካንተኬ ሳብካንታ ፋሰምሰባብከሰም ሙዳ አቦ እጎካ ጋይከቴ። ኢጣልያ ፍጨናርንካ ዐድሶ ካሪ ደቅድባብ አመንድባብከሰ አቦ የም ጋይደኬ።

25 ሳብታ ዉቕ እምንተና የ ሙደንካ ክክን ማታ። አምንኤ።

ክል ጫቃ

Gayil: ክል ጫቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab